

بر نسخہ می ۱ غروشدور.

بر نسخہ می ۱ غروشدور.

مجموعہ فیضی

مرکزی ابو السعود جادہ سندہ ۱۸ نومرولو دکاندر.
کوندریہ جگ اوراق معلّم نامہ اورایہ کوندریہ لیدر.
پوسنہ اجری ویرامش مکایب قبول اولغاز.

فی ۲۹ ذی القعدہ سنہ ۱۳۰۵ (معارف نظارتک وخصتیلہ ہفتہدہ بردفعہ نشر اولتور) فی ۲۷ تموز سنہ ۱۳۰۴

— اخطار —

اعظم دانشوران عثمانیدن حضرت (ابن کال) علیہ رحمۃ
الملک المتعال اخلافہ شبات علومہ متعلق یک جوق یادگار قیدار
براقش اولدینی کی ادبیاتدن اولہرق برده (دقائق الحقائق)
اھدا بیورمشدر.

بو کتابک نامی نہ قدر مشہر ایسنہ نسخہ می او قدر نادر
اولدیندن ارباب مطالعہ بہ بر خدمت اولوق اوزرہ بوھفتہدن
اعتباراً مجموعہ مرک قابہ درجی مناسب کورلمشدر.

شوراسنی شمیدین عرض ایدلمک بز (دقائق الحقائق) ی
کتب نافعہدن عد ایدلردن اولدینمز حالہ مندرجانشک کاملاً
مقارن سحت بولدینقی قبول ایدلردن دکاز. بویاہد ارباب اقتدار
طرقدن بیان ملاحظات ایدلسی آرزو اولتور موادندرن. ھلہ
انجمن تفتیش و معاینہ اعضای کرماندن ادیب دقیقشناس حبیب
اقدی حضر تری کتابی تنقید یوللو برار وجودہ کتیرہجک
اولورسہ یک جوق استفادہ اولتور صابیز.

محمد کیم غرض اولدر جهاندر
وجودی جوھر وعالم عرضدر
بومو جودا تندن مقصود باری
اودر بالذات باقی بالعرضدر

چونکہ یاری باری بی چون ایلہ زبان درکی رب وعیدین
بری وجنان اھلنک اختیار ایدلمکاری صحیح وفضیح لسانلرک بریدر.
بورسالہ رنگین کلالہ وشیرین مقالہ بی ترتیب قیلدم، اشجار اشعارده
اولان ازھار اسرادی اظھار ایلہ اول لسان روشن بیانک کلشن
برصفاسنک تماشاسنہ انبای زمانی ترغیب قیلدم ومتشابه لغتلرک
حقیقتلرینہ متعلق دقیقلری مشغل اولدینندن اوتوری ادبی
(دقائق الحقائق) ویردم مجلس صفا افزای آصف رای صف
آرای حضرت ابراھیم پاشاہیکہ صاحب دیوان سلیمان زماندر
تحفہ اتمک لایق کوردم.

(بای ملحق یش سلیمان بردن)

(عبست ولیکن هنرست از موری)

(مابعدی وار)

— — — — —

— از مبردن —

مرعشی کامل اقدیسکدر:

فضولینک بر غزلہ یاخود او غزلی نظیرہ خامہران ھمت
اولان شاعر مادر زادک نظیرہ سنہ نظیرہ قدر. فقط نظیرہ لرک
قافیلری متحددر. بودہ برصنعت!

﴿ نظیرہ ﴾

کیم کوردی شیوہ اندامکہ حیران بی
رام ونسخیر اتمیدی کوزلرک ھر آن بی
کعبہ دل اولہ بردردک اسیر زاری کیم
اٹاز بر آن بیلہ بالہ طواف درمان بی
مالکرن اولرتبہ برآہ شرارفاشانہ کیم
کورسہ ایلر احتیاط ھر حال ایلہ وولقان بی
حالت عشقک کی بر آتش جانسوز ایلہ
یاندینچون یاققہ قادر دکل نیران بی

— — — — —

﴿ دقائق الحقائق ﴾

مؤلفی: ابن کال

سپاس بی قیاس خدای بی ھمتیکہ کازار بدائع آثار بیاندہ
ازھار رنگین معانی اظھار ایلدی. شاخصار وجود برسود
انسانی اوزرندہ ہزار دستان خوش الحان زبانی شیرین گفتار
ایلدی. دریای بی کران بیاندن استغای معانیہ ظرووف حروفی
وافی قیلدی. آسیا کی متحرک اولان اشیائی تسکین امرندہ قافی
کافی قیلدی. بر نقطہدہ ہزار نکته لطیفہ مندرج اولدی وبرمردہ
بی شمار دقیقہ ایقہ مندرج اولدی.

دروود بی حد ناسب لواوی کرامت احتسواوی مقام محدودک
دار السلام روضہ منہ صج وشم واصل اولسونکہ شمشیر بران
زبان بلاغت نشان ایلہ عالم فصاحتدہ جهانگیر وزمان بیاندہ
صاحب قران اولمشدر. صلات صلات بی کران اول والی عالیشان
حوالی بلاغتہ متوالی علی تعاقب الايام واللایالی متواصل اولسون
کہ تیغ زبان مجز نشانی قاطع فصیحای دوران و بلغای زمان
اولمشدر.